

La Bib pou ti moun prézanté



Salomon, wa saj la



Ékri pa : Edward Hughes

Ilistré pa : Lazarus
Alastair Paterson

Adapté pa : Ruth Klassen

Tradwi pa : Ausky Salomon

Pwodwi pa : Bible for Children
www.M1914.org


©2025 Bible for Children, Inc.

Lisans : Ou gen dwa pou copyé o swa fè fotocopi istwa sa,
dépi sé pa pou van-n ou fè li.

Wa David se te yon gran nonm devan Bondye. Pandan
rèy li a, Izrayèl te vin pi gwo dis fwa plis pase wayòm
Wa Sayil la. Men, li pa te kapab renye ankò. David

te fin
granmoun.
Epi li te
fatige ! Epi
li te malad !
Lavi li sou tè
a te rive nan
bout li.







Youn nan anpil pitit gason David yo, Adonija, te di pèp Izrayèl la li t apral vin wa. Malgre non li vle di "Senyè mwen an se Bondye," Adonija pa te yon bon moun. Li t ap eseye pran twòn nan, paske li te konnen David te twò fèb pou li reziste. Men, Bondye te genyen lòt plan !


3

Batcheba, madanm David la, te konnen pitit gason li a Salomon t apral wa. Li te devwale David plan Adonija yo. Malgre jan li te malad la, David te rasanble prens li yo epi li te fè Salomon wa Izrayèl an piblik.




4

Salomon pa te genyen okenn pwoblèm ak Adonija paske pèp Izrayèl la te fè David konfyans. David te di yo Bondye te chwazi Salomon pou wa yo. Yon ti tan apre, David te mouri.



5



Anvan David te mouri, li te anseye Salomon kijan pou l obeyi Bondye epi kijan pou li vin yon bon wa. "Mache nan chemen Bondye yo, pou w kapab reyisi nan tout sa w pral fè," David te di pitit gason li a. Se te yon konsèy ki te bon anpil ! Se konsa, Salomon te chita sou twòn papa li a, David, epi wayòm li an te byen etabli.


6

Yon lannuit nan Gabaon, Letènèl te parèt devan Salomon nan yon rèv (sonj), epi Bondye te di li : "Mande mwen sa w vle pou m ba w."



7

Salomon te mande sajès pou li te kapab yon bon wa. Demann jèn wa a te fè Bondye plezi. Salomon te resevwa sa li te mande a — men Bondye te pwomèt li anpil richès tou.



8


Pèp la pa te pran anpil tan pou li dekouvri sajès Salomon an. Yon jou, de manman te vin devan l ak yon tibebe. "Pitit gason fanm sa a te mouri nan



mitan lannwit la, epi li te ranplase l ak pitit gason pa mwen an," youn te di. "Non ! Sa ki vivan an se pou mwen, epi sa ki mouri a se pou li," lòt fanm nan te di. Ki jan wa a te ka deside kiyès ki t ap di laverite ?

9

Kidonk, wa a di : "Pote yon epe ban mwen." Yo pote yon epe devan wa a. Kisa wa a t aprale fè ak yon epe ?



10

Wa a di : "Koupe timoun ki vivan an fè de, bay yon fanm mwatye, bay lòt fanm nan mwatye." Lè sa a, fanm ki te gen pitit vivan an di : "Ah, Senyè mwen, bay li timoun ki vivan an, ou pa bezwen touye l."



11

Men, lòt la di : "Li p ap ni pou mwen ni pou ou ; koupe l !"




12

Lè sa a, wa a di : "Bay premye fanm nan pitit ki vivan an. Se li ki manman l." Tout pèp Izrayèl la te tande pale de jijman an, epi yo te pè wa a, paske yo te wè sajès Bondye te nan li.




13

Pèp Izrayèl la pa te genyen tanp pou y adore Bondye. Lè David te planifye pou li bati youn, Bondye te di : "Pitit gason w lan ava bati yon kay nan non mwen." Se konsa Salomon te kòmanse bati yon bèl tanp nan Jerizalèm.





14

Li te pran sèt long lane pou konstwi tanp lan. Men, gran jou a te rive kote tout moun te kapab vini tande Salomon k ap dedye tanp lan bay Letènèl.




15

Aprè yon bèl lapriyè, wa a ak pèp la te ofri plizyè milye sakrifis avèk kè kontan epi yo te fè yon gwo selebrasyon pandan de semèn !




16

Aprè sa, Bondye te parèt devan Salomon ankò epi li te pwomèt pou beni li menm ak Izrayèl toutotan yo te obeyi Letènèl.



17

Malerezman, ni Salomon ni pèp Izrayèl la pa te toujou obeyi Bondye. Wa a te marye ak anpil fanm Bondye pa te vle li marye. Madanm payen li yo te fè l adore zidòl, epi li pa te fidèl ak Letènèl, Bondye li a, jan David, papa li, te ye a.




18

Pandan Salomon t ap gaspiye chans li pou l obeyi Bondye, youn nan ofisyè li yo, Jewoboram, te fè yon eksperyans etranj. Yon pwofèt te di li Bondye t apral divize wayòm Salomon an, epi Jewoboram t apral gouvènen dis nan douz tribi yo. Jewoboram te sove ale nan peyi Lejip. Li te konnen Salomon t ap touye l si li te rete.



19

Aprè sa, Salomon te mouri. Pitit gason li an, Woboram, te mete plis taks sou pèp la pase Salomon. Dis tribi te revòlte — epi yo te chwazi Jewoboram kòm chèf yo. Wayòm Salomon an te divize an de, jan pwofèt la te di li a. Bondye pa kapab beni dezobeyisans.



20

Salomon, wa saj la


Yon istwa soti nan pawòl Bondyé-a, la Bib,

Nap jwen-n nan

1 Wa 1-12

"Pawòl Bondyé poté limyè."
Sòm 119 : 130

21



22

60 22

Istwa biblik sa rakonté nou kòman ké gen yon mèvèyé Bondyé
ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Pinisyon pou péché sé lanmò. Sèlman Bondyé renmen nou si tèlman ké Li voyé sèl gren-n pitit Li-a Jézi, ki mouri sou lakwa pou nou, dékwa pou Li sa péyé dèt péché nou yo pou nou. Apré sa Jézi té résisité, é Li monté nan syèl la ! Ou men-m tou, si ou kwè nan Jézi é si ou mandé Li ak tout kè-w pou Li padoné péché ou yo, L'ap fè sa pou ou ! L'ap rantré nan lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa :
"Sényè Jézi, mwen kwè ké ou sé pitit Bondyé, mwen kwè ké ou té mouri pou mwen épi ou résisité ankò. Tanpri, rantré nan lavi mwen, padoné péché mwen yo, pou mwen sa gen yon nouvo lavi kounyé-a la, konsa lè gran jou-a va rivé, m'a va abité avè-w nan rwayòm ou an pou l'éternité. Édé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16

23